

# 毒撚大挑戰之女神要離開了！？

作者: 啲哥

Powered by [紙言](#)

## 序章

「我到咗釜山啦」呢句message喺其他人眼中會覺得再平常不過。但係，喺我眼中，呢個message就好似心如刀割。尤其是係由呢個女仔send過嚟。

# 壹-初遇

一切都要由前年3月開始講起...

嗰陣我仲讀緊小六，咁啱班主任調位。

班主任:XX恆，第5行第3個位。XX兒，第6行第3個位。

又忘記咗介紹自己添。阿恆，都係平平無奇一個毒撚咁啦(應該係)。

就係咁，我就開始同阿兒有少少交流，不過我喺小學係畀人恰嗰隻，所以都唔係好敢同陌生人講嘢，雖然阿兒由小二開始同我同班，但係都有乜同佢接觸過。

之後上親堂都會因為覺得無聊所以撩下佢，我撩佢嗰下畀其他人見到。根據小學雞邏輯，邊個女仔同邊個男仔一齊傾計就一定係互相鍾意。我都唔例外，所以嗰陣係咁畀人話我同阿兒係互相鍾意嘅。

我哋梗係唔鍾意咁樣畀人話啦。所以阿兒準備咗張紙，上面寫咗啲韓文，個意思大概係:我鍾意韓國男團嘅人。一有人又講我同阿兒係互相鍾意嘅時候，佢就會舉起張紙。不過都係冇用，依然會比人話。

過咗1個月，情況先有所改變。

## 貳-開始熟落

小六4月頭影畢業相，影相嗰日有老師借咗佢部手機比我哋自己影相。嗰陣我依然同班女仔三唔識七(影相嗰啲都係女仔)。所以冇影到。

影完相之後嗰個禮拜，有人開咗班group，另一條友掉啲相入group。跟住我就創造咗個紀錄:史上第一個係group入面send voice message嘅人(冇計小學雞係咁)，內容大概係邊個電話號碼係邊個咁，跟住得知開group嗰個人就係阿兒。

2日之後，我無啦啦被人踢咗出group，我即刻WhatsApp阿兒叫佢add返我入去同將踢我走嗰條友解除admin身份。

同時抄咗牌之後佢就起勢咁Send動態，於是我就手痕撻咗入去睇，跟住我都起勢咁覆。於是佢都係咁用Voice message覆我，一直重複咗好耐。同時亦都開始互相認識對方。有時傾心事都會搵佢。

## 參-小學生涯的最後一個月

前年6月

小學每年6月都會有singcon，嗰年我嗰班諗住唱Alan Walker嘅歌，但係班主任要我哋唱try everything(zootopia嗰個)，我哋梗係反對啦，首歌成60次「oh」。

所以返咗屋企我即刻開WhatsApp。

我:個班主任真係低鳩能

我:無啦啦唱乜撚嘢Try everything呀

未幾，見到阿兒狀態竟然係輸入中，即刻興奮咗一下。

阿兒:ys lol (係囉)

我:班主任到底想點，我哋唱其他就唔得，佢叫我哋唱就得

阿兒:擺明想玩我哋啦

我:咪就係

Singcon嗰日班主任條撚樣係我哋唱完嗰陣要我哋篤灰，話我嗰班有人特登唱得唔好，希望有人可以篤出嚟。我係專登唔撚係唱嘅，不過冇人篤我出嚟。

返到屋企之後即刻開WhatsApp同阿兒報平安。

我:幾驚比人篤出嚟

阿兒:Me 2 la (我都係)

跟住又吹咗成晚水。

6月下旬

阿兒:不如開個屬於我哋班嘅電視台呢？

我:有咩劇集先。

阿兒: 不如就xxx同yyy搞基啦。

我:都好。

番到屋企開咗手機就即刻見到阿兒開咗個6X班電視台，add晒我哋入去。

阿兒:Hi

隨住呢句message send咗出嚟，6X班電視台終於開台。

第一條片係用xxx同yyy成日「搞基」作為靈感整嘅片。嗰陣我仲記得一出嗰陣仲好撻開心，不過而家睇番真係好撻尷。

就咁，又一個月了。

## 肆-還有機會見面嗎(上)

7月3號

嗰日我哋班開Farewell party，基本上都係食下嘢，玩下遊戲咁，呢啲時候梗係唔少得同阿兒溝通下。

我:食緊咩呀？

阿兒:食緊啫喱囉。

我:食唔食燒賣呀？我整嘅。

阿兒:好呀。

跟住又傾咗幾分鐘。

食食下有條煩膠突然話:為咗多謝老師呢6年嚟嘅悉心教導，我覺得要整返份禮物送俾佢哋。

呢句嘢講咗出嚟即刻屌聲四起，冇一句唔係屌鳩佢嘅。食嘢就食嘢啦，整乜搵。

咁咪整囉。頂佢條仆街仲要一早分晒組，冇得同FD一齊。

煩膠同學:XX恆同XX兒一組，坐呢度。

我:無啦啦又整乜搵啫，食嘢好過啦。

阿兒:咪就係，食食下停咗係度又唔知做乜鳩。

煩膠同學:我哋會用粉筆掙啲鹽，等啲鹽變色，再倒落樽度。

全班再次屌聲四起，全部都係屌鳩佢咪搵玩嘢。

但係佢都係唔縮沙:做就做啦。

做完之後就放學，返到去即刻開手機WhatsApp阿兒。

我:今日真係好戇鳩

阿兒:ys lol

如是者又傾咗成晚，十一點先瞓覺。

之後嗰幾日都冇發生咩特別嘅事。

7月10號

最後一日返學，好多人都拎手機返嚟影相，但係我冇拎，因為我覺得冇乜嘢好影。

我一直都期待住女神會搵我影相，但係都係冇，有少少失望。

去到中文堂，個老師借咗30部ipad俾我哋玩，我同阿兒一齊玩io game。

阿兒:渣㗎，落地即刻死。

我:唔識玩咩嘍。

阿兒:玩咗半年仲係唔識玩？唔係呀嘍？

我:玩開其他同類型嘅game一時唔習慣咪咁囉。

阿兒:口花花。

一直打一直打，落地即死嘅次數已經大減，反而仲擺到第二。

上完中文堂就放學，立即仆去食m記。就咁，小學生涯最後一日就結束咗。

希望可以同阿兒同一間中學...

## 伍-還有機會見面嗎(下)

7月16號

今日考Pre-S1，一去到間中學，竟然見到...

阿兒:咁啱呀。

咁咪即係之後嗰六年都可以同班？正。

我:係囉，又會咁啱嘅。

過多15分鐘，考試開始。

個監考阿sir好撻肥，目測大約成3個我(嗰陣我都係好撻橫，大肚腩)。

啲題目好撻簡單，半個鐘已經做曬。

阿兒:咁難嘅。

我:其實唔難。

阿兒:屌。

使乜理難唔難啫，同阿兒同一班就得啦。

接落嚟嗰兩場考試都係好簡單，冇乜題目唔識做。

我:死硬喇，今次仲唔係最差嗰班。

作為一個平常嘅學生講呢句都係正常，因為啲人一定都係咁講，當係畀一個假希望人咗。

考完試之後過多2個禮拜去咗日本旅行，第二晚同阿兒吹水吹通宵，第三日行行下大阪城嗰陣有人WhatsApp，我即刻拎起部手機嚟睇，原來係分班list。

好可惜，天公不造美，我同阿兒唔同班，亦都同大部分小學同學唔同班。先F1就要摺埋得自己一個，唉。仲要冇得見女神，係成年都冇得見女神，你叫個毒撻情何以堪。

## 陸-迎新營

成日都有人話，o  
camp一世人得一次，一定要去。大學可能係嘅，但係我都未讀大學，啱啱升中學咋嘞。

8月12號

街上一片白/黃海，但係阿兒呢？我都唔知。淨係知佢同我唔同班。

我發覺香港啲學校有一個傳統，就係第一日返去，就要聽校長嘅一番「肺腑之言」，好聽啲就肺腑之言，難聽啲就叫鳩噏。

當然，我呢啲粗魯人梗係叫做鳩噏啦，因為年年都係講差唔多而且毫無意義嘅嘢。好彩係喺禮堂講，唔係我覺得我已經暈撚咗。

聽完校長鳩噏之後，就返去等啲F5哥哥姐姐教我啲嘅新學校有乜規矩。

聽佢啲噏完一輪之後就話學校有過一人一樂器計劃，F1仔一定要學一樣樂器。

其實我都唔明，點解一定要學樂器，冇音樂天份得罪咗啲乜，好似仲話要計埋入考試分入面，我仆你個街。本身唱歌唱到成個技安嘅我音樂都唔慌好，重要夾硬將我冇學過嘅樂器計埋入考試分入面，仲唔冧硬班。

跟住我睇咗啲樂點樣玩，發覺好似都係打鼓最啱我。梗係，其他啲樂器難用到死。打鼓就係揸住碌棍係咁敲個鼓就搞掂，除非佢無啦啦教點樣花式揸住碌棍。

上晝時段冇見過阿兒，其實大拿拿成個月都冇見過。希望食飯嗰陣可以見番。

天公依然係不造美，食飯見唔到阿兒不特止，仲要冇人陪我，不過唔緊要，新環境唔熟習得自己一個好正常㗎啫。尤其是我嗰班仲要冇熟人。

跟住下晝唔記得做咗啲乜。不過我敢講，冇阿兒嘅生活真係頹咗好撚多。

夜晚

我:仆街，我件PE衫呢？

老豆:係咪你唔知收埋咗去邊呀，叫你平時收衫嗰陣擺返落自己個櫃桶度㗎啦，又唔擺。

是咁的，之後3日都有活動要著PE衫，但係我搵唔到，但係聽講搞嗰個活動嘅阿sir好撚惡，驚佢屌到我仆街。

我心諗:天呀，同我死件PE衫出嚟喇。

講清楚先，我唔係耶撚，只係驚畀人屌。

我:唉唔記得咗件PE衫未擺。

老豆:咁你聽日著乜返學。

我:我會諗辦法㗎喇，唔使驚。

最後我揀咗件同PE衫質地好似嘅粉紅色衫返學。

第二日

返到去又要聽老師鳩噏，我淨係記得我返到去嗰陣我件襖吸引咗其他人嘅目光。

阿賈:嘩咁熱你仲著襖嘅。

我:係呀。

我終於喺我間中學到講第一句嘢。冇計啦，毒撚係要擺呢啲嚟打飛機。

聽完老師鳩噏之後返到課室，個timetable上面寫話乜英文銜接課程。心諗仆街了，依間係一間英中，唔識英文真係好大鑊。

同個老師打完招呼之後畀咗本嘢我哋。我一打開嚟睇...

我心諗:到底一點鐘兩點鐘嘅英文邊個F1仔會唔識。

係㗎，本嘢係真心蠢鳩。啲嘢好似由幼稚園、小一開始重新教咁。最慘嘅係，竟然要上三個鐘，即係要聽啲小學雞嘢聽成三個鐘，真係人都癲。雖然我英文唔好，但係都差極有個譜呀，邊可能一點鐘兩點鐘都唔知點寫呀。

跟住我再搵，我直頭O撚曬嘴。

鉛筆，原子筆，擦膠，間尺。冇理由一個F1仔唔識喇啫。真係唔識嘅話晨早去咗隔離band3學校讀啦。

三個鐘就咁過去了。

跟住又係自己一個柒撚懵懵食甜筒咁去麥當勞食嘢，跟住見到有人send嘢嚟。

小同:阿兒食嘢.jpg (真係相嚟)

我見到嘅係阿兒同小同、一大班新識嘅人一齊去食嘢，但係我只可以自己一個坐喺M記度食嘢，真係好撚葡萄。唔通呢個就係樣嘅問題？

返到去成個下晝都係喺度同成班人玩下啲小遊戲咁啦，不過我都係冇投入到，畢竟始終都係新環境，未適應到。同埋我唔慣同咁大班陌生人玩。

第三日

返到去第一樣要做嘅嘢又係嗰個悶到死嘅課程，今次嘅嘢更加令到我大開眼界。

佢竟然係講交通工具。呢個唔係應該幼稚園就要學㗎喇咩，點解佢會覺得F1仔唔知道巴士地鐵的士英文係乜。

喺個咁悶嘅環境下，令我更加快想見到阿兒，亦都令到我更加煩。成堂都唔知喺度做緊啲乜，吸女又唔係，吸仔又唔係(非基)，做嘢都唔係。

食飯都係好似之前咁，見唔到阿兒，又係得自己一個喺M記度食。令我呢幾日嘅生活悶上加悶。

返到去個人就更加煩。因為完全冇嘢做，又唔畀馴覺，焗住要同陌生人玩。同埋我嗰班啲女嘅質素真係... 應該點講好呢？就係蝦蝦霸霸成日講支那話又老牛聲囉，樣就更加唔好提。同阿兒爭好遠。

Hea hea地又過咗一日。

之後嗰兩日都冇乜可以講啦，因為都係上嗰個課程，我冇聽書直接馴覺。至於嗰個活動我都冇乜點幫過手，只係一個飯桶咁坐咗喺度。

8月19號

今日係最後一日迎新營，呢幾日真係生不如死。冇得同阿兒一齊，又冇朋友。終於喺今日可以得到解脫，成個人即刻開心返囉。

臨走之前就每班派一條仔一條女出嚟Present我哋係呢幾日做咗啲乜啦，再搵幾個人啖自己嗰班嘅口號，跟住再播片睇下我哋喺呢幾日做咗啲乜咁囉。不過條片冇我出場，正常。因為我呢幾日根本就冇做過任何嘢。

講完即刻成班友沖咗落地下直接通過校門走出去，我都係其中一個，仲喊埋出嚟，因為...

我仲未搵做曬暑期作業呀屌你老母!!!!

# 柒-開學

9月1號

我F1嗰年嘅9月1號係禮拜日，唔使返學。但係作為一個典型嘅deadline fighter依然趕緊啲暑期功課。可能會有人話:暑期作業抄答案咪得囉，使乜自己做㗎。咁你就天真過天真嬌啦。可能係學校一早已經意識到呢個問題，所以我本嘢係冇得抄嘅，只可以自己做。

其實我覺得暑期功課係一個累贅嚟，成幾百頁，又難，啲老師又唔會收嚟改，都唔知做嚟做乜。唯錢、唯時間、唯精神，最後竟然叫我哋自己改，咁做嚟做乜。

21:55

我:搞掂！

老豆:做完好喇喇。

我:哦。

做完本濕鳩暑期作業我覺得我自己成個人都鬆返嚟。

9月2號

第一日正式開學依然都係要聽校長嘅肺腑之言，即係鳩喻。

喺校長鳩喻嗰陣我就即刻搵阿兒嘅身影。好，係搵唔搵到嘅。不過算，陣間都約咗小學班友返小學探老師，阿兒應該會出席嘅。

返到入課室，都係搞啲班務嗰啲嘢啦，我就一直坐喺度玩手指。

放學

阿兒:行啦喂。

今次人數有大概十零人，除咗兩三條女(熟嘅仔一係唔嚟一係去咗其他中學深潛)之外，其他好多都係唔熟，甚至一句嘢都未講過。

我哋學校嘅分2隊人返小學，我同阿兒，阿靈，仲有一個男同學，搭西鐵直隊小學。另一team就買完嘢食先搭車過去。

廿分鐘後

阿兒WhatsApp另一team:你哋到未呀

佢哋:仲坐緊車呀

個死人前班主任沖咗出嚟:好耐冇見喇, 今日返嚟探我呀?

我心諗:我探你個死人頭咩探, 畀我就探晒學校其他老師先到你啦。仲要將我個朋友調走, 調阿兒過嚟同我坐。好彩阿兒唔係過界撚啫, 唔係實畀你鬧到仆街呀。

兩個好人老師:嚟咗啦。

呢兩個先係我想探嘅老師。頭先嗰個, 算吧啦, 係咁侮辱人邊個會想探佢, 叫佢收下把口先啦。

其實原本都有一個老師好好人, 但係佢嗰年退咗休, 冇得探。

越嚟越多人返嚟, 但係冇一個我係同佢講過超過十句嘢嘅。

之後我哋去咗教員室, 見到個好黑人憎嘅主任(聽講今年仲升埋做副校), 冇計啦都係要照say hi。

我淨係喺個教員室度飲檸檬茶(定菊花茶), 咩都冇做過, 究竟我嚟係做乜。

跟住我就搭車返天水圍。

早知就唔晒咁無謂嘅時間, 直接返屋企打機算。

## 捌-冷戰、陸運會

10月下旬

我:一於換撚咗個Icon先。

是咁的，個谷入面有條友亂鳩咁講嘢，阿兒就Bam咗佢。而我身為佢朋友梗係要add返佢入嚟。

您新增了XXX

阿兒又Bam多次。今次我改咗Icon，由本身6X改做阿兒個樣。

阿兒唔服氣，轉返個Icon。我再將佢轉返做阿兒。

阿兒 移除了您

咁就比人Bam鳩咗。佢真係好鬼小家。

之後都有乜點理過佢。亦都搞到我悶悶地。

後一日

嗰日陸運會。我報咗200米。

陸運會喺元朗搞，所以我搭輕鐵過去。不過都係撞唔到的熟人(可能我係少數住天水圍嗰啲)。

元朗大球場

應該點講好呢，就係幾堆人一齊，得我自己係一個人。好撚寂寞。

隨著越嚟越多人返嚟，成個看台即刻熱鬧起嚟，更加突顯出我嘅孤單同寂寞。不過依然都係冇人理我。

之後我同一個小同搵咗個位坐。

前面坐咗3條女，全部都係同社。

咦？前面嗰個...

其中一條女:望咩望。

甜美嘅聲線、少少寸嘅語氣，再加上豐滿嘅身材，仲唔係阿兒？

阿兒:仲望？

果然人帥真好，人醜性騷擾。吸下女都唔得咩家陣。

咁攞寸呀喲，即刻落小食部買嘢食，食完之後掉喺佢個袋上面先。

跟住我落咗去小食部買燒賣食，燒賣會落豉油、甜醬、花生醬，擺個吉兜然後畀風吹跌咗嘅話，阿兒今鋪就真係大吉利是。

於是乎食完之後，就擺咗個吉兜係阿兒個袋上面，期待有風會吹跌佢啦。鬼叫佢ban我。

「男子200米初賽最後一次召集。」死啦，要落去啦，冇得睇住個兜添。

點知落到去先發覺自己柒咗，已經過咗召集時間。都係想返去睇實個兜好啲。

風呢？等咗成三個字都係冇風吹跌個兜，整隻鬼嚟吹跌個兜都好呀，唔係我點報仇。

阿兒:屌，邊條友擺個兜喺度呀。

唉，又失敗咗。

咁啱我手上面有個吉水樽，於是我就諗計將個水樽擺落去阿兒個袋度。

好，最後佢哋幾個轉咗位。正式宣佈報仇計畫失敗。

食完飯之後就係啲咩社際班際，全部都係冇我份。

我:而家啲人準備出閘啦下。

我:而家開始轉彎。咦，紅社嗰條友墮馬咯。

冇錯，就係將一個平平無奇嘅賽事講到好似賽馬咁。不過又真係幾無聊。

去到四點放學。即刻一支箭標去坐269D。至於點解要咁強調呢，就係因為我見到架車埋站就即刻標咗去上車。如果我跑200米都係咁嘅速度嗰陣應該會入到三甲嘅，可惜我冇跑到。

再第二日

通常第二日嘅陸運會都係返半晝，一點就放。

一返到去就即刻有兩個小同同我一齊坐。

我:乜咁啱呀。

佢哋:係囉乜咁啱呀。

之後就去霸咗個山頂位坐，又幾舒服下。

陸運會第二日通常都係得啲咩決賽，都係好鬼無聊。所以我同班友喺度吹水。

吹吹下原來就十二點，陣間有頒獎典禮，要啲人分返社坐。再次變返自己一個。

頒獎典禮呢家嘢真係好鬼無聊，又冇我份，只可以坐喺度，又冇得傾偈。要頒私下自己頒咗佢好過啦。

完咗之後即刻搭巴士返屋企。

嗰日夜晚

我:對唔住 阿兒

講到好似啲情侶嗌交咁。

阿兒:算啦算啦

我:多謝

幾驚阿兒以後就咁樣憎咗我。不過都好嘅，至少唔怕以後冇計傾。

# 玖-學校旅行

12月中旬某次班主任節

班主任:今次學校旅行會去海洋公園。

成班友即刻大叫:好嘢!

班主任:跟住落嚟就係分組。

分組,即係毒撚要被迫同人咁一組。最仆街嘅係,冇得自己一組。我依然同班友唔係好熟,平時小息都係得自己一個,壁報板啲相都係冇我個樣。

最後都係冇人肯同我一組。不過預咗。

班主任:得你冇組...

之後佢夾硬塞咗我入去有4條女嘅組。

不過啲女就...

一係肥;一係粗魯;一係支那人。即係仲慘過自己一個,更加唔好話同阿兒一齊(阿兒仲要係隔離班,更加有可能)。真係不如一槍打死我。

旅行當日 海洋公園

我哨咗一眼阿兒,再對比下自己。可愛、清爽嘅女神;肥、柒嘅毒撚,身邊勁多朋友嘅阿兒;身邊人都冇個嘅我。唉,冇朋友都算,仲要同啲三唔識七,支那肥婆一組。

一入到去即刻跑去廁所避開啲4隻極品,順便屙尿。

等咗5分鐘先出返嚟。

我:好彩啫。

無啦啦有把女聲係我耳邊講:一唔一齊呀?

我即刻望向隔離,除咗阿兒之外冇一個係同佢好熟嘅。

我:唔洗啦。

阿兒:真係?

我:都好。

阿兒同啲班友講:我同其他人一組,你哋慢慢行啦。

跟住我哋去咗坐海洋列車上山。

「不如坐呢個呢？」我指住過山車同阿兒講。

「唔好啦。」

「咁... 算啦。」

之後我哋去咗睇企鵝。

我:睇下佢幾得意，成個你咁。

阿兒:即係笑我蠢啫。

我:講笑講笑。

睇完之後玩碰碰車。

阿兒:渣㗎。

我:第一次揸係咁㗎啦。

阿兒:屌。

玩完碰碰車就落返山食嘢，阿兒去搵返佢嗰班啲人。

70蚊... 75蚊... 90蚊！？

去少3次日本就可以買樓...

咁係咪去少3次海洋公園就可以去日本？咁又唔係，去少3次海洋公園可以來回京都同大阪3次，又幾抵下。

講返正題，買咗個焗豬，咁就冇咗80蚊。

食食下見到阿智、阿德、阿賈、阿城、阿衛同阿覃行過。

阿德:喂，食緊咩呀？

我:焗豬囉。

阿智:不如一齊食？

我:得。

之後上返山玩。最後贏到6隻公仔。

係山上玩多兩玩就落山。

車上面

「嘩！你就好啦！」大一班人圍住阿兒講。

車，佢先得3隻。我多佢成倍，咁都好講。

## 拾-擦鞋仔の柒事

聖誕假之後就係考試。

話說我哋兩個考試之間中間會有一個鐘Brake下，我個班有個擦鞋仔去咗買魚強食。

「同學，唔可以喺籃球場食嘢㗎。」我對住嗰條友講。

阿賈同阿城附和我:係囉。

5分鐘後

「嗚嗚嗚...嗚嗚嗚...嗚嗚嗚...」個擦鞋仔突然哭撚咗。我都跟住哭撚咗，不過我係笑到哭撚咗。

「喂！有嘢睇呀！」我「吹雞」叫人出去。

校工:食返佢！

擦鞋仔:唔制呀...呀...

成堆人:哈哈哈哈哈。

阿兒:哈...哈...

我:哈哈... Hehehehe...

擦鞋仔:我唔食呀！我唔食呀！

跟住有個訓導行過去安慰佢，我哋成班友即刻入返操場。

阿賈笑住咁講:喂，有冇睇到佢喊呀？

我:梗係有。笑撚到我。仲要掠啲魚蛋落地下，仲要食返佢。

我笑撚到標眼水。考試第一日個擦鞋仔就柒撚咗。除咗恭喜我都唔知講乜好。

經過兩個禮拜，終於要接受死刑。

西史堂

58分... 都算係咁。

Miss Cheung:Ivan。(條擦鞋仔嘅英文名)

2分鐘後

「嗚嗚嗚...嗚嗚嗚...嗚...」哈，抵撚死，鬼叫佢成日擦鞋。

後來先知原來佢嗰次考試得5字頭。

小息

成班友聚晒係班房出面，阿兒都喺其中。

我問佢:咩料呀？

阿兒:多得你嗰班啲人囉。

「多得你嗰班啲人囉。」係最後一次聽到佢把聲...

我哋小息都喺出面睇個擦鞋仔喊。佢越喊，我哋越開心，越想笑。

之後我哋笑足成個下晝，返到屋企仲笑緊。

## 拾壹-新一年，新的開始？

呢幾個月以嚟，除咗同自己班啲人開始熟之外，仲會一齊笑鳩個擦鞋仔。同時，同阿兒嘅關係開始逐漸疏落，呢幾個月都有搵過佢，可能因為唔同班冇共同話題？

咁嘅情況一直到8月分班。

「唉扁。」再次同唔到阿兒一班嘅我嘆氣。

雖然係好掛住佢，但係又有嘢可以傾。

反而啲朋友同大部分小學同學都同佢一班。同埋今年我嗰班啲女就... 比上年好少少，真係得少少，得1個比較靚。同埋都成十個以上嘅支那人。仲有啲自以為是，懶鳩醒嘅擦鞋仔同弱智仔。

開學第一日

坐我隔離位嘅係個四眼仔。

但係老師一入嚟，佢第一句已經係講：老師好型呀。

個老師只係一個平平無奇，滿頭白髮，著西裝嘅阿sir。(據聞已經6X歲)而著老西返工嘅老師學校多的是，基本上10個有7、8個都係著老西。

唯一分別就係，份人比較風趣囉。其他就... 真係冇乜。

之後嗰幾日條友都係係咁擦鞋。煩鳩埋我，又呢樣又嗰樣，簡直就係地獄。我發誓，如果有啲咩殺戮日嘅話，我一定要隊冧佢先。

十月尾個測驗啲成績更加係仆撚晒直，有成3科肥佬。多得條撚樣日鳩日玩擾敵戰術，日日都離唔開老師嘅衣著同小測嘅分數(哎呀！得2分咋/仲唔肥硬？之類)。但係我有得吐苦水，因為冇人理我，阿兒都未必覆我，變咗由始至終都係得一個青山走犯係咁自言自語。

只可以慶幸條擦鞋仔平均分低過我，仲要唔合格，但係主科得1科肥佬。

長遠嚟講，呢條友影響最深。因為佢啲擾敵戰術實在太勁，基本上佢一開口講嘢即刻冇咗半分鐘。

冇咗ivan就嚟個四眼仔... 依然都係冇阿兒... 仲要冇同佢Whatsapp...

同埋個四眼仔之後都有收斂下，繼續搔擾人。仲要間接咁承認自己係支那仔。諗起都反胃。

## 拾貳-なに！？

屌鳩個擦鞋仔，同阿智阿德同埋阿城吹水已經成為咗我日常生活嘅一部分，但係依然好似缺少咗啲嘢咁。

阿兒話就話係隔離班，但係就同上年一樣，返學嗰陣完全係零溝通，只不過係佢冇再send動態以及同佢傾計嘅情況下已經開始慣。

話咁快就一月，阿兒到而家都冇send過動態。

咦唔係嗰，啱啱WhatsApp有動態更新，等我搵入去先。

ななななな... なに？阿阿阿阿阿... 阿兒！？

不過一搵入去，睇到嘅係阿兒讚緊麥Sir。不過都唔出奇，呢排啲人喺咁講麥Sir同阿兒其實係互相相愛。但同時我又感到少少呷醋(都唔知點解)。

同一刻既興奮又覺得少少心痛。

當然，我覆咗佢幾句，佢依然都係已讀不回。

-----  
咁又一個月...

ななななな... なに？又係阿兒？

但係今次個內容竟然係佢要出國留學！？

出國留學嗰，係出國留學嗰。

得知呢個消息嘅我癱咗喺張櫬度...

「去邊？」我拎起電話WhatsApp阿兒。

過咗幾個鐘，佢依然都係未覆。連上一個msg都係一樣...

## 拾參-夢想崩壞的開始

「吓」阿兒淨係覆咗一個字。

但我依然見到佢輸入中...

「韓國囉」佢又send咗個msg。

「問嚟做乜？」佢再send。

「冇」

「好奇心問下姐」

「但係」

「？」

「麥Sir點算」佢似乎好掛住佢嘅「BF」咁。

「冇計」我答返佢。

「唉」

唉屌，又忘記咗介紹麥Sir。

麥Sir，全校數一數二靚仔嘅阿Sir(阿兒覺得)，亦都係全校入面較為後生嘅老師(呢個係事實)，同時都係阿兒最鍾意嘅老師。

同埋呢排阿兒係咁讚麥Sir好靚仔，唉...

-----  
幾日後

「等埋呀！」我邊講邊跑去上車。

啱啱坐完西鐵，好彩啱啱好趕到最少人嗰架車。

我坐咗喺架車右邊窗口位，見到隔離有架私家車。

Feel到坐前排嗰條女好似望緊我咁，於是我望返佢。

「阿兒？」我心入面嚇咗跳。

當轉緊彎嗰陣，我再瞄咗眼揸車嗰位人兄。

成件事都變得... 合理化咗... ?

## 拾肆-現實，是殘酷的

「嚇我唔到嘅。」我心諭，畢竟阿兒呢啲咁「純潔」嘅人點會搞師生戀呢？同埋又唔係真係男朋友，驚乜。

本來只係虛驚一場，點知返到學校見到有條仔拖住阿兒向住我嘅方向行緊過嚟，再喺我旁邊擦過。

返到班房，只係聽到一堆人喺度吹水。

「喂。」阿智嗌我。

「咩呀？」

「你唔知咩？阿兒有仔啦。」

「咁關我撚事？」

「你唔係鍾意佢咩？」shit，俾佢講中咗。

「唔唔...唔係呀。」

「咪扮啦，你明明就鍾意佢。」

「都話咗唔係囉。」

「咪扮啦。」

理想是美好的，現實是殘酷的。

算，遲早都係要接受阿兒有仔呢個事實，不如早啲接受。

雖然話係要放低佢，但係始終都係做唔到...

過咗大半個月，其中一件大事終於令到我可以徹底咁放低。

## 拾伍-人性的泯滅

呢件事發生喺5月13號。

阿兒喺wts send咗個動態:

「我哋班進度快過你哋班

加油啦 唔使同我哋比較」

「唔使同我哋比較」呢句真係勁鬼寸。

所以我覆咗佢一句:「我勸你咪撚咁寸」

我嗰班啲人都係咁屌鳩佢，叫佢道歉。

「我有寸嗎？(水汪汪眼)」佢覆返我。

「有 請你道歉」

但係佢用一個「寸親你咩 sor9ry囉」嘅語氣覆我。

我轉寄去班Group，班友都忍唔住屌鳩佢。

「媽叉佢」

「被邊個串都冇咁唔爽 被佢串最髒」

「佢咪都係最渣嗰班行出黎」

「其實佢身邊啲人都唔妥佢 收斂下啦」

期間仲得知原來條友成日喺數學堂發姣。每日上數學堂都係著deep v，但係其他堂又唔見佢著。為嘅，就係討好麥Sir。

呢個時候阿兒又send咗個動態:「你哋認為我冇道歉咪冇道歉囉。PERIODT。」

呢個動態再次引起全班起哄，叫條友唔好咁寸。

另外，阿兒亦都俾人起底。我先發現原來佢暗地裏擦麥Sir鞋。

去到呢度，令我諗起啲嘢...

-----  
(2年前)

阿兒:「我最憎嘅就係啲擦鞋狗擦鞋 ga la」

我:「係?但你又成日痴埋去佢度」

阿兒:「我又冇擦」

我:「唔信」

阿兒:「唔通埋佢堆就一定要擦咩」

呢一刻，我終於相信佢唔會擦鞋。

-----  
點解... 點解阿兒會變成咁嘍?

以前嗰個純真嘅阿兒呢?

以前嗰個唔會擦鞋，甚至屌擦鞋狗嘅阿兒呢?

去咗邊呀...

不過我都估到佢唔會道歉，而且都唔係第一次，所以我冇再理佢。

# 拾陸-是時候該結束了

513事件之後，我同佢都冇再聯絡過，話晒都有牙齒印。

我睇咗睇月曆，原來已經7月3號。距離阿兒離開香港去韓國讀書仲有一個禮拜。

又諗返起嗰個為我嘅小學末段增添色彩，又會係我唔開心嗰陣安慰我嘅女仔...

但係自從嗰日之後就見識到佢嘅真面目有幾咁黑暗，同理原來佢原來又係一隻擦鞋狗，只係對象變做數學老師咁解。

時間一日一日咁過去，腦入面係咁浮現出「如果冇同佢坐埋一齊咪唔會咁囉」「如果冇讀同一間小學咪唔會遇到佢囉」之類嘅諗法，令到成個人呢幾日都好負面。

-----  
7月10號

「CX771 釜山...」我對住航班資訊屏講。

啱啱放暑假，又冇嘢做，所以過咗嚟睇下風景咁囉。

但係唔知點解我會對「釜山」呢2隻字特別敏感，好似令我諗起邊個咁。

喺機場打咗個轉，再上返去離境層嗰陣見到有一大堆人唔知做乜。

想食下花生嘅我行近少少望下，見到好多熟人，例如小學同學。

呀！我終於醒起今日係咩日子。阿兒今日要去韓國。

我回頭跑過去人群入面。可惜，阿兒已經出咗境。

而家嘅我只好返屋企攤喺張床度發返個靚夢。

呢2年嚟發生嘅嘢永遠都會留喺心入面，念念不忘...

-----  
7個鐘後

「我到咗釜山啦」呢句message喺其他人眼中會覺得再平常不過。但係，喺我眼中，呢個message就好似心如刀割。尤其是係由呢個女仔send過嚟，但係我個心又叫我唔好再記掛住佢。

睇嚟要經歷一段痛苦嘅生活了...

## 拾柒(終章)-十年之後

轉眼間又十年。

呢十年嚟，我由一個中學雞變成大學生，再變成一個打工仔。住嘅地方都由大西北轉到九龍市區，但係都係逃唔過一般打工仔屌觀塘老母嘅命運。

呢一日，我選擇返小學探啲兩位老師。喺路途上，遇到好多母校嘅學生。

「撩撩撩。」

「灑B。」

「lee友豆煙讚烤媽。」

而家嘅學生完全唔識講廣東話...

「先生，你想搵...」校工問我嘢。

「我嚟探n老師同t老師嘅。」

「哦，好。」講完之後，校工就去咗搵佢哋。

大約5分鐘後

n老師:瘦咗咁多嘅。

t老師:你個班得你一個返嚟咋個。

呢十年嚟，身形同樣都改變咗好多。冇咗個肚腩，同理繼承到老豆靚仔嘅基因，變型咗。

我哋坐低吹咗陣水之後就走咗。

雖然得一陣，但係都勾起咗好多回憶，singcon，第一日坐嗰個女仔隔離，俾人屈鍾意嗰個女仔等等，再一次喺腦海入面上演。又開始FF如果早啲表白嘅話，嗰個女仔係咪唔使走，留嚟度陪伴住我。亦都唔使驚佢有其他仔。513事件都唔會發生。

不過算，發生咗嘅嘢冇得返轉頭。

我哋小學坐車去華都，沿路上都冇乜改變。

當我經過中學嗰陣，居然見到阿德喺校門行緊過嚟。

阿德指住天空:UFO呀！

「廿幾歲人仲玩呢啲，好心你啦。」我講。

後來我係某啲渠道得知阿德原來喺中學教初中中史。

又有一日，小學班group突然有個msg  
send咗出嚟：「大約下晝2點到香港」，但係之後俾個韓國電話冧把嘅人Del咗。可能send錯咗掛？

但係冇理由㗎，我小學嗰屆又冇韓國人。

最終好奇心促使我晨早10點就落樓下坐E21入機場。

不過車費真係好貴，入機場已經等於十年前由天水圍去MK。

入到機場，見到T2開返就狗衝過去。反正仲有兩粒半鐘，睇下有乜新嘢都好。

入面有個勁嘢：VR揸飛機，不過一舊水一次就不了。

Hea下hea下就1點50分，仲有十分鐘，快啲返返去T1先。

2點22分，突然有個女仔拖噏對住我微笑。

個笑容咁似...

咁似咁似邊個呢？唉，一時醒唔起。

既然都等唔到，就坐返E21走。

上咗車之後，啱啱嗰個女仔坐咗喺我隔離。

「乜你住長沙灣嘅咩？」佢問。

「係呀，你呢？」我答

「咁啱嘅，我都係嗰。」

雙方都報以一個微笑。

呢個情景令我諗返起12年前嘅3月，啱啱調位調咗去坐某個女仔隔離嗰陣...